



梧溪集卷第三

明倫彙編 家範典 孝行典 卷之三

江陰王逢原吉

菜亭四詠

有引

菜亭者先君庫使之所作也賜進士及第內御史篤  
列圖敬夫書扁江陰儒學教授閔中邢泰亨翁為記  
先君年六十輒不仕日課童治圃為徑必直蕪蔬必  
方嘗指謂逢曰小子識之此類吾性也先君沒之二  
年逢忝部使者薦又明年江南務殷由是無仕進意  
而以先志是守并賦四詩揭亭閒或尋聲于琴或倚

梧溪集卷三

一知不足齋叢書

歌于缶退然自樂殆相遺於人世也

其黃獨曰猗歟黃獨質土德玉惟德惟質是以有葉有  
實凱風至矣青青始蔓雨雪既雩爛其几按富貴無常  
人或汝忘子敢食言長鏡在傍長鏡在傍貧賤之光匪  
貧賤之光隱淪之慶

其蕨曰彼美者蕨岐蹄而茁齊魯之人謂菜之驚雷風  
發春競擷于山久獨不食神往來于山閒慨昔君子夷  
齊園綺壽考以終猶愈飢死飢弗忍師考終是期衣薜  
帶蘿聊從而嬉兮

其黃精曰葉之菁菁如竹葉之青厥根孔美食之可以  
長生朝陽之煥時雨之沃君子有之以備旨蓄吳之野  
土力貧培隱德樂彌臻孰謂芝也不如薇也

其蓴曰蓴之潔貞瀦藻其朋蓴之芳烈蘋蘩其列曰絲  
曰瑰可羹可菹君子素貧念不到鱸五侯之鯖太官之  
羊鼎折餼覆溪毛無傷登我邊矣薦我先矣載被我弦  
永弗諉矣

黃河一首贈胡璉師貢

黃河濁流其源自天四方交亂莫知誰愆靡亂弗寧靡

梧溪集卷三

二知不足齋叢書

濁弗清小人之亨君子之貞君子之貞惟道是友小人  
之亨乃罪之首雖曰無家有琴有書朝誦暮弦何樂之  
如鷗黃其羽集于嘉林願言似之永懷德音

小山招隱辭 有引

小山招隱者雲閒孫稷長慶別業之名義則左太冲  
反招隱也長慶言行謹飭嘗爲文學官兵興遂不復  
仕讀書賣藥于橫雲山之支隴有壁峭立泉涓然出  
壁下有石空中擊之有聲日歌樂于是蓋期與明哲  
士終老焉辭曰

橫雲分兮一股壁鐵立兮石奏鼓桂樛枝兮莖有芳吟  
元狄兮白鶴舞君胡爲兮塵土弦我琴兮歌我招泉冽  
寒兮天寥寥月高露灑兮車音遠迢心悵惘兮不成消  
遙君之盟兮孔昭言採兮可蒞言釣兮維鱸涓濱商顏  
兮其道匪殊治亂使然兮出處異趨載弦載歌兮茲山  
之祖君之來兮毋遲其驅

故內御史程古氏篤公挽詞

有序

公程古氏名篤列圖字敬夫燕山人國初大父長信  
州永豐縣因家焉父卜里也禿思從文皇帝潛邸官

梧溪集卷三

三知不足齋叢書

至靖江路總管素無子至是勝產公有異年甫冠及  
第上親覽策曰必世臣佳子弟也何以知吾家事若  
是其詳耶授集賢修撰中丞馬公伯庸妻以妹累遷  
南臺御史按治湖廣江浙咸有聲威順王素不法漁  
奪山澤之利尤甚民苦之出數百里告漁奪狀公一  
無所貸還之民論奏王罪例降爵土王憂悸不知所  
爲會赦免福建廉訪司凡御史至堂幄地衣盛飾金  
繡公命撤去及視事莫不震懾曰慎毋犯狀元御史  
比還內御史某挾私劾某官公以失糾察去職尋三

臺堦明除湖廣省副理問不赴遷生母潘氏縣君葬  
北上拜內御史以疽卒壽三十七公短小凝重眉目  
秀朗官居巷處言行一致愛豫章山水畱寓頗久歲  
一至豐爲女兒壽女兒誓不嫁悉以已租贍之異母  
弟早孤長以廕讓族弟帖哥亦依公學登乙酉進士  
第朔州同知子某

篤公產南州胞有紫白異襁祿未勝觴生母痛先逝操  
危慮也深十九面廷試詞旨極懇切奏牘驚侍衛文皇  
至親覽天眷邁恩例瓊林宴狀元銀屏會佳婿花交歸

梧溪集卷三

四知不足齋藏書

香署草偃迂絲轡要職尋屢遷中朝適無事南臺按三  
省文物紀綱地御史象執法獨見公不愧先時威順王  
畋漁盡民利首縱魚鳥樂復奪土馬氣閩部俯交廣嶺  
犀蔭榕荔從容撤堂幄蜚海肅秋霽譽重誦由興才大  
衆所忌繙然遂孝思遷葬返北墓女兒老閨閣誓不通  
采幣歲展骨肉歡均財及諸季最幼陟龍門家學益名  
世顯子鷲鈍姿激越千里志還鄉理書劔承拜內驄使  
將依東道光竟灑西州淚修文得顏回前席失賈誼山  
房懸蘿月公嘗爲子書神采彤夢寐盛蹟在董狐茲焉

述交義

故東流尹陳公挽詞

有序

公諱文杰字漢卿號默齋毘陵人也父業醫母張憐其好學每質簪珥奉師會宜興鉅室蔣竹徑病公侍父往就醫其塾卒業久之客有寓公過蔣一見納爲友寓公赴浙憲使遂薦授慶元儒學正至則浙東帥重之俾二子從二子挾貴胄無弟子禮又羣蒼頭僮鷹鷄日躡躡無度公麾蒼頭去弗聽乃朴教二子曰吾受堂帖一通班官耳義猶受天子命天子有聖旨

梧溪集卷三

五知不足齋叢書

諸王駙馬不得擾學校汝敢是乎因奪一大鷹縱之蒼頭走白其帥帥怒喚公衆爲公懼止之公曰吾有聖旨在意往帥詰曰縱鷹有之乎公曰鷹不縱帥有罪具言云云帥竦立曰是愛我也遣蒼頭出謝仍護公歸既辟爲其掾一郡大驚滿考除本學教授再辟掾准東陞兩浙運司知事丁母艱服闋改江陰知事三載擢東流尹推贈父宜興判官母宜人卽謝病歸逾年卒壽六十九先是公長郡幕里人殷數請託先君拒絕之殷銜恨誣行賂告分憲屬公逮繫公復盡

官曰典史王某者清謹人也杰交其子逢亦未始識  
一面萬萬無是事惟體察之憲官躋公言獨不問後  
逢見公于家無一言及之其平生行義率類此公負  
詩名監丞陳公旅以兄弟禮最親善嘗誌其母宜人  
墓子在有文學遭亂憂悸死孫一

東流家本醫少貧困閭伍賣藥粗給身力學忍刺股祖  
瑩良苦志黃憲早稱許參朮收狄籠芝蘭羞謝墅繡衣  
驄馬郎遂有茂才舉尋典四明教弦誦喧兩廡元帥勳  
舊臣遣見授訓詁其奴臂鷹鶴矚矚聖宮宇毅然掣錦

梧溪集卷三

六知不足齋叢書

條麾去莫敢侮同舍爲公懼公且白大府帥歎禮愈加  
擢掾器三語再遷東淮閩參贊妙材諳郗超幕兩登單  
父琴一鼓先塋罷焚黃長嘯卽解組桑榆晚畱景奄忽  
悴風雨送喪阻范式能詩失阮瑀憶昔忘年交五岳視  
鐘呂虞揭歐黃輩恨不與披覩閒話良天時益綠鬢餘  
緒況於魯連義歷歷在肺腑遺孤喪亂中揆分合子撫  
嗚呼同漂零清秋益愁付

故空谷俞先生挽詞

有序

先生諱遠字之近號空谷江陰鳳歌鄉人也其先儒

起家至先生貧隱居教授能行古道毘陵孫帖以先  
世舊依先生待如新知卒殯焉頃年疫備奴病乞歸  
先生曰慎毋疑疫氣相染其善調護踰旬死時兵興  
山林盡赭人死多委之壑或以是請先生曰生盡其  
力死棄之溝中不義也單出爲棺窆歲暮春里萌昇  
木偶神遂并落閒至先生門適所昇重而止昇夫告  
家姥曰神靈報施影響捷宜急祭燎旗下否則殃及  
矣姥笑曰木偶何能爲主人歸吾家爨下物耳衆矐  
貽去族姪裕親歿有佛者以佛事爲解裕毅然曰吾

梧溪集卷三

七知不足齋叢書

諸父嘗謂形神旣離地獄何有今乃自誣親有罪不  
孝孰甚佛者慙而退其善行及人率類此先生骨貌  
清卓類有道者長於古文尤嗜詩亂中吟咏不輟嘗  
自敘詩曰蟲之薶薶鳥之嚶嚶機動籟鳴豈得已而  
不已乎不得已乎耳于以見其出乎性也壽七十二

子樵孫庠序

空谷俞先生言行慥慥爾襄陽一耆舊東魯古君子奕  
葉蘭桂芳晚見長松倚野鶴夕警露天雞晴影水神清  
凝高寒眼碧照烏几州閭薰善良土俗變淳美削跡門



徒僧罷迎藜，祠鬼貧交有。孫帖推食養，沒齒義聲及。耕  
奴亦免溝壑，委遭亂接浙。行帶索竝萑，葦兒樵性至。孝  
承順若居里，先生但微吟。落句益奇詭，元洲摘芝秀。翠  
嶽決石髓，咸瞻星應庚。忽夢歲在巳，栝羽鏃礪道。驅勿  
甚提耳，忘年感孔融。赴弔愧徐穉，霜晨高鴻邁。獨權五  
湖淚，爲歌雙梧歌。先生作此嘗  
挽先君後附林哀朔風起

客行天下半，波流日滔滔。卓然王嶼長，獨詣見所操。  
西風吹黃鵠，瞥眼雲中翱。無彼升天翼，欲飛詎能高。  
讀律三十年，弗離州縣勞。歸休青山郭，綠溪置屋宇。

梧溪集卷三

八知不足齋叢書

種瓜以爲業，不復求其曹。饌甘盤有魚，飲旨尊有醪。  
兒賢曲奉養，未暮樂陶陶。奈何百年期，歡忻變號咷。  
望見雙梧樹，我每涕沾袍。梧樹奚足悲，迴躅於焉韜。  
故贈江西省左丞諡文節汪公挽詞 有序

公諱澤民，字叔志，號堪老，真逸。以春秋登戊午進士。  
第累官，致仕禮部尚書歸。宣城准人闖境，公倡鄉子弟  
保里閭，會城陷遂遇害。越七年，詔贈江西省左丞。  
諡文節。逢見大夫士，每稱公性廉孝，尤慎許，可嘗推  
官平江。任法恕允，獄多平反。垂代題春帖云及瓜當

此日行李似來時迨今爲實錄再推信州太夫人道  
病公屏履扶筮輿以行比至總管秦從龍謁謂曰今  
晚可就職脫太夫人不諱吾能率僚屬賻穉之不然  
喪誰與舉公曰匿親疾而上官是遺親也遺親不孝  
覲官斂而私親是貨官也貨官不忠不敢惟命太守  
苟推仁湯藥是饋則母氏更生是望某拜德侈矣秦  
覲而退太夫人卒服闋起知兗州文教大行傲廬問  
學者數十百人流民過其治勸義賑之能聞召待制  
翰林與修三史當時大臣有傳旨奉金幣鞍馬求撰

梧溪集卷三

九知不足齋叢書

其勳功之碑者卒辭旣大臣罪謫傾朝服公先知陞  
國子司業集賢直學士尋告老云逢於公無半面雅  
荷不鄙夷嘗賜詩序竊愧蔑以報稱也姑述其槩系  
以挽詞

嵇康貴神交梁鴻重懷賢古來知己遇詎在相摩肩仰  
惟文節公清白忠孝全天禧光祿後五世衣冠齋讀書  
敬亭裏射策香案前半刺久鳳棲一麾遂鵬鸞宮壺酒  
賜縹太乙杖吹煙鬼泣修史筆門泊問字船疏廣忽引  
去傾都望如仙澆澆宛溪水响响溪上田鰕菜薦嘉豆

鶯花照堂筵至正乙未閒星狗光倅然首倡扞鄉井淮  
人竟扼咽侯伯竄草閒丁壯死墓邊執公義不屈子姪  
尚控拳詈言今顏杲勁氣昔鄭畋臣素奏我皇襄贈著  
史編憶昔太平日高名南斗懸忘我鞵綫才贈我瓊琚  
篇陋鼎餘金鉉爨桐被朱弦鼠璞免售鄭駿骨期市燕  
空谷一蛾眉衣袖馥蘭荃思君限楚水日夕魚風顛青  
燈耿漆室視褐望杞天老成嗟已矣客淚雙迸泉再歌  
宋玉些黃鵠高迴旋

寄丘都事

梧溪集卷三

十知不足齋叢書

曩僑西湖西遂識東家丘平生五經笥聲價千金裘借  
地營茅堂湫隘不容輜文犀水蒼珮無時顧巖幽畦蔬  
何青青一飯常苦畱推論當世事過許侷儻儔別經喪  
亂年廬墓兼百憂上馬卽擊賊恐貽孝子羞伏承從大  
軍烽火空三州生還總務面望拜多白頭荒原露草根  
舉鞭枯骨收捷聞詔東討朱夏行清秋黃池正觀兵移  
戍浙上流觸輪避螳螂撼樹憐蟬蟬祭遵日雅歌道濟  
夜唱籌所在成相業正自出軍謀月落江蒼莽熒惑光  
射牛白蛇橋長淮睥睨龍驤舟君懷靖四海且復挂吳

鉤機務信有暇緘詩寄滄洲

寄李守道 有後別

西湖有奇士少負不羈才  
洒外嗜八分席地畫青苔  
妻憂餅儲罄藁囊手自開  
煮雪白石窩捫腹視三台  
久安素貧賤惟恐富貴來  
風塵頽東南衣冠就衰墮  
慟哭岳王墓北走燕昭臺  
平章造次見符檄隨所裁  
徵兵復三州疾如破山雷  
無辜起塗炭寸管萬牛回  
釋褐慕董生玉帛讓輿僂  
丈夫昔行志竊位良可哀  
時予客左丞遠愧鄒與枚  
禦寇書再上翩然返蒿萊  
箭雲仰驕驪失道

梧溪集卷三

士知不足齋藏書

甘鴛胎天風薜花落離思  
浩江淮願言輟予想曠野多  
賢材

守道諱介石性爽邁能書詩  
困約無所遇徽寇陷杭以書  
見省臣命草符檄遂器重之  
授松江府提控按牘從守鎮  
江後鎮江失守以不屈辱而死  
煮雪齏糗白石窩皆其齋居室名

三貞篇寄納麟哈刺參政幕下僚友

梧西女陳氏顏色絕勝玉阿耶  
燈窗下古傳常暗讀義須嫁  
官人麻臬心所足兵麾忽東指  
烽火蔓平陸魚鱉

遭顛連雞狗同迫逐猥猥咳其口反噬机上肉母子泣  
相誓寧死不汝辱春輝黯門櫺寒日照鬼錄皇天實鑒  
臨家廟爲慘肅陳氏母曾宋直講確之七世孫女髮婦惠婦吳俱里人亦在難  
自判受命獨臂血濺賊衽賊歎爲斂縮差差白刃閒偉  
節驚耳目荒野雲雪暮緬想會深竹水流風悲鳴星迸  
萬羽鏃回首陷沒地何限委溝瀆大參行當來卹典具  
簡犢前湖百世祀謂五代時烈女何氏明妝儼車服從以雙素鸞  
配享疇敢黷孤蓬任漂轉餘齒寄草木倡茲三貞篇庶  
用矯浮俗

梧溪集卷三

三知不足齋叢書

奉陪黑左丞觀射石幢門外

前徒驅干旄後乘咽短簫君侯美裘帶白馬金轡搖道  
出石幢門春始轉柳條公堂俯平曠武士集英翹離立  
控角弓百步建錦標眼空熊渠虎臂落李廣鷗登降禮  
數新賞罰號令饒忘歸逆寒呈決拾迎鮮廳失鵠固自  
恥破的奚庸驕先王用觀德今此樂賓僚龍勺映彝尊  
玉帳臨青霄容卿忝末至屬賦軍中謠川澤魚上冰野  
煙尚蕭蕭於焉詢幽隱聊以示逍遙民情自茲得無復

慮三苗

送楊子明知事從觀孫元帥分制沿江州郡

寒日動大江鞍馬散滄洲  
漚光滅沒外迴見冰梁浮壯  
士無人色旗羽風颺颺  
楊君志孤矢笑被黑貂裘  
祭鞍千仞剛掉鞅萬斛舟  
先聲掠淮甸遙制三邊州  
元帥統將權言責在軍謀  
一言關興喪跬步分陽秋  
天地屬閉塞波伏蛟龍湫  
孤煙起天際薄暮青轉幽  
百里靜雞犬豈但窮兵由  
雪質薺麥生猶聞鑄戈矛  
頻年竭土壤經時委川溝  
行其所無事凋瘵或少瘳  
耀德不觀兵當今第一儔  
君昔甚惻隱曲宥千俘囚  
歸裝輕於葉廉價重

梧溪集卷三

三知不足齋叢書

琳球做邑蒙荐臨多暇獲譙游鳳凰巢阿閣黃鵠宜遠  
投藁竹霜實繁知止疇與侔蘆根短刺水鷺斯空啾啾  
顧子麋鹿姿蓬藿翳林丘行藏任本性道義期加修  
雨坐梧溪精舍

青梧陰四合長夏含秋清及茲積雨晦甄瓠水衣生別  
巷鶯聲歇香煙鵲尾橫雜言溪上思千載一時并

夜坐

落日秋氣昏回溪夜涼薄幽花歛露榭孤螢隕風閣沖  
襟謝頰歔廣簟生離索躑躅望明河南天正飛鵲

繆孝子 有引

孝子名倫字叔彝年甫冠博識能文本東平人侍父  
宦游於杭至正十六年淮兵執其父將殺之倫哀號  
乞免弗聽傾家貲贖父命又弗聽乃自縛請以身代  
於是父見釋而殺倫前鄉貢進士樊浚言之予悲倫  
之志行不大顯也爲作琴操一首期聲傳無窮焉  
父存兒死兮兒可再得父死兒存兮兒其天極聽代父  
死兮全兒職於乎人心不泯兮亂有底極

葵蘭贈孫孝子彬 有引

梧溪集卷三

古知不足齋叢書

彬值揚州兵變負母而逃兒女散失頌者美其有慈  
烏之義而未及舐犢之愛焉故予賦葵蘭一章

葵衛其根日月燭之蘭茁其芽雨露沃之兵變倉卒兮  
負親而逃山川險阻兮無乃親勞上天孔仁兮命也兒  
遭

義僧行

世降道淪喪盛事罕見之我歌義僧行斬取國士知僧  
臻生夏浦俗號徐大師勇敢重意氣赤手可獵麋張忠  
郭解流任俠不計貲臻願出門下效死誓不移盜尋寇

馬洲魚肉乎蒸黎元戎堅營壁大姓深溝池壯哉張父  
子分卒脫項兒父擒子死難家不得斂屍臻聞切齒恨  
恨死不同時夜卽操斧刀奮身斫藩籬徑入牛宮內斧  
斷張繁維手殺盜六人力挽閒道歸妻孥拜堂下金幣  
謝所私上公賜巾裳欲以好爵縻幡然掉臂辭還山弄  
摩尼方今國步艱中外罹瘡痍銅虎盡懸授鐵馬誰擎  
旗嗟爾匹夫臻足張三軍威何不食君祿爲君靖淮夷  
收名魯仲連千載爲等期天秋黃葉脫日暮元雲馳歌  
詩節鼓吹用壯吾熊罷

梧溪集卷三

圭知不足齋藏書

壯士歌

明月皎皎白玉盤大星煌煌黃金丸壯士解甲投馬鞍  
蕪藜草深衣夜寒劒頭飲血何時乾

義兵謠

春虹白冬草碧八月黃河火雲赤將衣我衣吏食我食  
望塵走馬當殺賊

寒機女詞

鴛鴦機滿東西舍雪鹽縑來日相射世俗競染紅藍花  
妾心鍾愛金絲柘君王錦繡焚殿前天孫鳳梭蛛網懸



織成雲霧制龍袞萬一熏香分御筵

朱夫有序

夫人諱元琇江陰知事朱道存之妻都漕萬戶費雄之女也至正十六年江陰亂夫人依其父居松江之上海未幾上海縣陷苗軍復縣大掠夫人驚遽出臥內時苗手刃以入將犯之夫人怒叱曰吾貴家女貴家婦夫君見勤王汝本官兵奚爲犯我投釵珥於地苗攫之去旣苗杳至索賞無有遂驅迫就道夫人揆不免乃攀堂楹厲聲曰吾義不辱苗狗忍辱我耶比

梧溪集卷三

六知不足齋叢書

遇害爪入楹木血沁于指哀哉始先君庫使解官歸里逢適主于其家每與盛宴輒缺然若不甘者知事言其故於夫人他日復宴夫人親爲別具饌命子文博文禮昇示逢曰此奉尊翁自是以爲常明年逢過其地嗟夫人之生也柔惠足以德於人歿也貞烈足以表於世謹爲辭以弔之辭曰

青鸞花白滿水黃雲日黯慘風悲涼停驢西向三醉觴  
旌旌葆幢來混茫若有人兮凜如霜星流電馳惟可望  
微言夙習大洞章功成拔宅居帝鄉鵲河蟾竈肆翱翔

笑援北斗挹酒漿帝曰欽哉無太康下爲叔世扶綱常  
進規退矩禮自防釵荆裙布今孟光尊姑養之植德堂  
朱氏堂名階珠樹照瑤芳明璫蒼珮森琳琅撾鐘考鼓樂  
未央楚氛遮天耀天狼飄然歸寧父母傷正坐漆室憂  
葵傷官兵寇我加劔鋌昊天倚杵海變桑身有濺血無  
回腸烈婦殉節死固當名與黃浦流俱長稽首再拜淚  
雨滂軫焉直上駉鸞鳳

張武略有序

侯諱珍字元諒堂邑人以廕受武略將軍穎川翼萬

梧溪集卷三

七知不足齋叢書

戶鎮杭至正十二年冬徽寇陷常侯引兵伏橫林偵  
得其狀連敗之乘勝深入常悉平明年春移戍婁江  
海漕罷警夏六月江陰儉民江牟二人作耗太尉納  
麟檄侯討之父老上謁必親憫曰某義不與賊俱存  
須蜂蠶掃跡郊鄙輸賦流移歸業以謝父老苟不幸  
先士卒死亦無憾也父老感泣未幾俘若干人射死  
其手旗者秋八月浙東元帥野先台侯進屯胡村賊  
縱火迫胡村各分地出戰賊蔑以當侯潰去輒勒兵  
助野時野與裨校鄭溥賢死矣侯機發弩殲復大敗

之以返失二部將侯奮激曰將陷而獨全恥急追之  
冒圍以入江中三矢牟被創甚其黨度擒江牟將魚  
肉其類因并力來抗侯矢盡馬蹶精銳傷者過半乃  
拔所佩刀蹂殺數十百人以死先是浙省參政買木  
丁分制常侯嘗直言忤之故其臨敵也按不之援以  
至不利云

張武略馬中騾鷲中鸚神清氣完志落落決皆萬里空  
沙漠紅巾據有南蘭陵無人先執螯弧登角弓朝分雲  
漢月血刃暮洗官壕冰黃金瓊甲鎮江傲食簞漿壺駢

梧溪集卷三

六知不足齋叢書

父媪刁斗巖城令密傳菜果漫村跡如掃陸州方臘絕  
饑道素服威名罷侵擾陋邦寇劫誰使然令我諸君師  
盡老孟勞寶刀龜甲文繙然佩之星入氛虎賁千百濟  
虓猛禽獮草薙收奇勳浙東元帥亦不羣羅圍狗附聯  
陣雲兩軍鼓行屋瓦墜殺聲直上蒼天聞牙張距趨開  
復合左啟右肱煙登接勢如驚廳振槁葉冒圍蹂賊賊  
膽聳賀蘭陰拱僅自守檀公上計無乃走王琳遺愛壽  
陽閒袁崧殉名扈瀆口妖星黨現秋日微英雄命薄將  
安歸連營陷敵泯功業別部抱憤無晶輝殘兵故吏望

鄉哭偷生可誅死可錄我招其魂歌楚曲高寒吹下雙  
鴻鵠

盡室歎讀東魏史高驢語鮮卑一事有感

女爲驅子爲奴父耕母織絹稅輸坐君高堂我向隅奉  
君細饌我食麤憶昨上官我前趨及今敗績我後徒君  
不見殺君之餘春風紫燕停紫衢錦纏繡絡舞鷓鴣胡  
琴秦箏閒吳歛酒面花影紅扶疎君樂滿座容顏舒再  
拜壽君明月珠願君世世金虎符縣籍無我甘樵漁

君家柳

梧溪集卷三

充知不足齋叢書

君家柳萬株一色鵝黃酒龍鱗波煖裊翠煙飛花直渡  
江南天倉庚立曉燕穿午薄暮啄木聲了然腹中櫨蝕  
皮齧馬舊陰半減金城下長條短條屬行人猶有持斤  
睨之者秋來大地落葉鳴心憶陽春淚如瀉

趙氏雙珠辭

遊鯉山石高屏顏遊鯉溪水清洞灣中有峩峩青結鬢  
望如春雲不可攀壬辰仲冬寇蜂起乳臭將軍先披靡  
民人顛連社稷圯我固當爲貞白鬼後來謂乙未年小妹復  
被驅亦葬魚腹全其軀山高水清幾千載虹月夜貫雙

驪珠夜深鮫宮屏機杼風吹草寒鬪體語何由生長江  
沱閒及見王睢鼓衣羽願回堯天行化日女子有家男  
有室地下甘心燈似漆

夜何長三疊寄周參政伯溫鄔僉院本初

夜何長日苦短夜長復寒日不暖深林大薄鷓鴣滿尾  
頰魴魚遊纂纂千古鐵紫氣纏赤帝當之白蛇斷中  
朝老臣雙珮蒼憂心鬱紆寢息忘鳳皇在笈驥服箱雪  
埋石棧冰河梁夜何長六龍回轡東扶桑

夜何長日苦短夜長復寒日不暖蒼梧九疑雲思遠驚

梧溪集卷三

字知不足齋叢書

鴻亂落夫差苑漢家騎尉雙龍蒼酒酣起舞隘八荒疾  
風吹沙百草霜玉釭朱火青凝光夜何長帝車高轉天  
中央

夜何長日苦短夜長復寒日不暖櫬槍參旗燭雲罕樹  
樹梅花落羌管江南布衣雙鬢蒼歲闌獨立氣慨慷衣  
冠禮樂制孔良路迢無由貢明堂夜何長啟明耿耿天

東方

梁溪行贈嚴子魯參政

梁溪之陰太湖陽錫麓西下盤羊腸土俗驚悍民鳴張

負固不貢亂典常明公是時騎飛黃三尺白練揮冰霜  
西定汝潁南保杭復來觀兵周處鄉方將增障深淩隍  
楚氛一夜掩斗芒奉頭鼠竄道相望獨有殉節臣姓楊  
謂文載員外明公退此招散亡昔我讎寇今顏行千百之衆

尺寸疆日食蒲螻草塞創戰十六月莫禦當誓欲手舉  
東南綱赤葉楓落鴻鴈翔淮閩共戴吳天蒼金戈煌煌  
旆央央旋師城闕從鼓簧父老羅拜勸酒漿武惠厚德  
宜爾昌龍衣封錦來尚方璽書錫命登巖廊吾君論功  
邁漢皇屬國負負蘇中郎事業益大身益強不忝異姓

梧溪集卷三

主知不足齋叢書

汾淮王

奉陪神保大王宴朱將軍第聞彈白翎雀引 有序

白翎雀燕漠聞鳥也初世皇命伶官石德閻製白翎

雀曲及進曰何其未有孤嫠怨悲之音石德閻未之

改而已傳焉戊戌冬淮藩朱將軍宴大王於私第逢

忝座末時夜電霞交下衆賓相次執盞起爲王壽逢

亦起王命左右鼓是曲且語製曲之始俾歌詠之逢

謂續事本實左氏所先故鋪陳興龍大略而不暇他

及也

元陰亘天雪欲作將軍西第夜張幕銅盤蠟光紅照灼  
四座傾聽白翎雀雀生烏桓朔部落大朴之氣元磅礴  
地椒野稼極廣莫穹廬離離散駝駱黃羊蘆酒雜渾酪  
鷹狗畋獵代耕穫大王肇基不城郭青春建窳宵罷柝  
聖澤滂沛蔓絳絡風淳俗厖法度約乾端坤倪露沖漠  
羽毛鱗介竝飛躍庭祠歲饗咽管籥雄雌和鳴莫我樂  
帝皇赫然太陽若八表晃蕩氛盡卻前驅屈盧從繁弱  
睢盱嗚咿萬狀錯遂朝玉帛解組縛大明宮開夾花萼  
文監武衛盛材略蔥珩縠璧映霜鏤五雲夔龍奏韶濩

梧溪集卷三

三知不足齋叢書

九苞鳳凰降寥廓德音威儀匪予度萬姓拭目瞻阿閣  
軒轅伶倫兩冥寞八十年來事非昨獮虜雜亂人道削  
咬哇哀淫頌聲樂皇孫讓賢執鼓鐸巾襟誰尾黃金杓  
殺烝體薦噲復嚼巴渝舞隊驩回薄供奉革鞜衣狐貉  
銀箏載前酒載酌延秋門深魚守鑰緱山遠度吹笙鶴  
淮南昔者雞舐藥千乘之國棄傲躄方今羣雄自開拓  
拔刀把稍爭刺斫爲臣義同葵與藿將軍固合鞭先著  
蓮盞漏沈薇露涸枯梢號寒風隕籜百禽啁噍電霹靂  
冰花亂點眞珠箔箔中呱呱情陡惡供奉爾停弦索

吁嗟白翎將焉託有客淚下甘且壑

奉陪杭右丞程禮部以文字文憲僉子貞魯縣丞

道原宴周左丞伯溫館舍時聞河南李平章恢復

中原

西湖館舍開新秋三峰倒影紫翠流白馬彫戈駐遠道  
金魚玉佩羅林丘二孤五老獨神往八公六逸同天遊  
時維小康況大比萬乘少紆東南憂如灑之酒官寺送  
風生酒波鱗甲動荔子漿凝赤露香鴉肪炙作黃冰凍  
歌神頰熏婆娑律膏渴羌解奏參差鳳右丞閱霄漢逼

梧溪集卷三

三十一不足齋叢書

諸叟文章臺閣重累恩駸駸落日涼菱花蘂葉掩冉光  
驚飛先自有烏鵲寡宿未必無鴛鴦堯封禹跡煙莽蒼  
宜髮固短憂心長側聞汴破濟欲下百姓亦望臨淮王  
山人厭亂喜莫量笑整冠帶爲舉觴醉後不登嚴武牀

惠孝子行

有序

惠孝子名連字子及曾大父疇累遷寶章閣待制常  
德知府致仕司農少卿卒翰林池聖夫銘其墓曰金  
玉其相表裏無僞槩可見矣子及受學於陸子方先  
生嘗述江革郝鑒二贊其贊江有曰兒力甚武母安



勿怖兒身既豫養不可寢前行弗獲後顧則逼我心  
欽欽卒與盜卽母見一身安能異塗兒亡母亡將焉  
用俘其贊郤有曰民儉于食累累爲瘠推活君子職  
敬惟德君不苟活念我二兒骨肉之恩生死共之弗  
卹爾生胡後而死氏志勿獲全是口體士矜誦之後  
江陰亂挈母命及諸甥姓閒關百罹避地吳下逢嘉  
其言行贈之以詩

吾邦有龍虎村中有宋朝司農惠公之曾孫司農三登  
巍科蚤選衛王壻兩作茂宰一出漢朱轡百年雲散金

梧溪集卷三

吾知不足齋叢書

碧氣衣冠禮樂八九存曾孫自號輾轉生又號蹇連子  
負材弗施甘與世相忤未嘗入城見州尊或逢夸毘徒  
掉臂決去如林獺日但讀書蓬華門講畫授弟子愉婉  
問清溫堂前植橘堂後樹萱百畝之田五畝園征夫道  
暍馬汗赤抱膝方看高鳶奮優哉游哉樂難諉游兆渚  
灘歲天狗闕丘樊達官大家驚潰奔水鮪陸虞盡啗吞  
是時輾轉生悒僂膺屢捫非不能持挺刃佩猥肫靖鄉  
國清札昏母年八袞罔極恩外甥在侍傍無援誓全古  
孝義坐使薄俗敦攜扶于野蹇涉于壘慘目霧露飢採

稻蕘妻孥泉兀兵火際亦解委曲奉壺殮天道昭著神  
佑護卒得命脫蟻聚并蜂屯蹇連子蓋嘗口撰江革欵  
鑿二贊累百言文焰炳若星斗繁闡諸人臯者褫魄示  
諸人境者喪魂江郤名與垂乾坤乾坤蕩蕩蔽帝闈我  
歌三反烏滿原春風一夜回孤根

題二馬圖

卷開二馬風雲起誰其畫者趙學士渥洼舊感驪龍精  
禹門曾浴桃花水竝馳定是不契需合與周王八駿俱  
烏騅赤兔售非主千金之骨成泥土丈夫懷材莫愁佇

梧溪集卷三

鶴招

有序

蓋知不足齋叢書

予友曹炳氏畜雙鶴於皆春園露听月夕巾烏紗被  
弊衣與之弄影接武林壑閒若超出世瑩物我相忘  
者數年辛丑秋一日雄嗒然悲鳴驚視之雌折足斃  
石崎下心甚悼焉爲援華陽故事用元黃幣瘞所居  
貞溪傍旣封其土屬逢賦鶴招誌諸石

馬之死也埋弊帷鶴之化也招予辭啄青田芝飲瑤池  
冠朱衣縞元裳垂神仙中人受以羈日遯寥天驂鳳螭  
良苦未若歸來兮風塵軒翥波浪瀾麒麟羅鷲弓繳悲

主家天開林壑姿石砭魚影布參差露听月夕苔莎滋  
引吭和鳴舞傲關雎之樂不可支胡然孤雄怨此離  
主亦爲爾意淒其蕙帳燈炮香倭遲臨臯道士夢經時  
不信視此冢纍纍

歎病駝

狂夫東遊乘白驪道路適遇病橐駝紫毛無復好容色  
肉鞍尚鴛雙坡陀南人從來不夢此私怪目擊臨干戈  
泉渠元自控蕃落天苑畢竟連銀河吳郊楚甸水草淺  
任重卻欲千斤過青袍朝士爲起立茜帽番僧時撫摩

梧溪集卷三

三  
其知不足齋叢書

熱風吹塵鼻出火積雨成潦瘡生窠牛虻狗蝨苦嘜血  
末由驅除知奈何頻年出師數百萬熊羆獅豹相奔波  
豈期獨後死溝壑餘光所及良已多老奚首帕短袴靴  
手持鞭策涕泗沓憶昔灤京避暑日氣骨礪崑從鑿和  
沈沈金甕夾桐馬裊裊錦帶懸靈鼉服勞輦下藉髻刷  
屈跡澤畔甘蹉跎疇能推廣愛烏義沒齒仰飼公田禾

悼炎洲翠

炎洲翠美羽衣穿花掠藻鳴春暉讓王城頭燕分飛淮  
陰祠下梟相依梟不孝翠先死能言鸚鵡亦已矣吁嗟

方郎不吾起

俞丞獲印辭

己亥七月城錢塘四十萬夫翻汗漿九旬塵沙霾日黃  
幾夜草上生輝光凌晨夫長賀得印壇紐獻文玉澤潤  
官曹傳看連六郡丞名適同丞有分君不見侯王昔者  
親佩之功業弗建終棄遺城今百雉巍巍呻吟盡化  
爲歌詩時來更取左顧龜

烏啄啄行無錫呂志學

烏啄啄行踽踽朝啼暮號反哺無所夔龍在朝虎在邊

梧溪集卷三

老知不足齋叢書

孝子之心若荼苦天高蒼蒼下厚土耳若無聞目無覩  
虛簷雨懸燈火青頭白生離夢中聚夢中聚今六霜明  
年作歌歌壽昌

張參政手植榆歌 有引

榆本高出羣木上會兵興山盡童曾孫守中去其半  
蔽以藜篠然生意秀苑廊廟具固無恙逢一日獲讖  
樹下旣醉歌之非但歌榆也泄參政忠憤嘉守中孝  
敬云耳參政名瑄開海漕征瓜哇有大功於朝中當  
廕祖文龍都水監職得七品官隱居讀書尤善畫歌

曰

春光堂前蘭坂側孤榆根固如盤石翦截猶全大厦具  
培封敢忘前人德至今蘿蔥陰四合在昔印藏枝百尺  
海窺黑水龍伯宮地瞰炎風瓜哇國棘槐竝去天尺五  
披拂星辰長雷雨寶樹方圍錦絲障靈樞忽斷黃姑渚  
野雉由來是鴛媒樓船悔不將童女萬程饒道歸帝業  
半頃苔基系民土茲辰客筵鵷鷺羣麟兮公族鸞然文  
蕓邊膾落鑿刃雪花下酒灑紅缸雲虹缸新煙迢遞  
近臣火餘景低徊西崦曠興酣墨汁飲一斗弗記書宛

梧溪集卷三

手知不足齋叢書

羊欣裙

謝沈免有章素段 有引

免樵李人大父烈字秋田明尚書善琴大德閒由郡  
學錄累遷常州推官所在著美績免乞逢誌其墓而  
銘曰有學有文有社有民出際盛明考終厥身子孫  
繩繩天厚孔仁維秀之鄙維泐之潛德不稱位何百  
十人公位通顯公德雅馴我作銘詩過者惟寅旣持  
謝素雲官段上存宗師吳全節題封蓋文宗所賜分  
遺大父者也至是逢地壽女兒張婦復歌詩謝免

黃姑舊織機中段題封進入通明殿石碇平鋪月下冰  
銀潢倒瀉天邊練上卿適侍玉皇案賜歸仙界訶雷電  
法曹得之三世藏未嘗灑點時爭羨山人近宴采藻亭  
炙也求撰墓碣銘蟪蛄蚋蟻滿秋思篋笥出此驚爽靈  
碧桃色染東極露白虹影貫長庚星吳都蠶絲紆皓彩  
漢苑芸草畱餘馨雲聯朶朶不斷脚恍惚駢飛萬瑤雀  
方空吹綸何足數寶蠓火毳宜高閣用裁朝服佩龜魚  
用製道氈騎鸞鶴以予貧賤合鯨卷多爾孝敬難馬卻  
女兄日誦大洞文十年著破元霜裙到家馳壽非矯譽  
所貴來自先帝君風塵盡室幸苟活江海故交能致勤  
興至援筆報萬一或者盛事相傳聞

華韓堂

邵棠大父遭兵驅髻稚北行彤影孤渾飲肉食調狗馬  
白晝快樂夜憂虞曾冰塞積際草莽行搖飛鳴嗟雪姑  
遙知親老兄侍側贖子購弟金不惜卅年目斷苦煙霧  
一日書通返鄉國殺雞上冢木已拱對花吹埴春盛昔  
棠也與棣永孝思華韓堂開胥浦滑亂離復見田氏樂  
急難無愧周公詩今日魯衛政教衰有甚煮豆然其時

梧溪集卷三

元知不足齋叢書

願保嘉樹長華滋雪姑竝巢連理枝

同曹傳幼巖承平文允宿張會嘉西齋

鄉中三人清似鶴異縣相逢宿茅屋八窗金波地流月  
連榻翠寒霜入竹一人袖攜詩一束同有女兒身亦獨  
一人舉室葬魚腹不欲云云淚盈掬長松樹倒哭杜鵑  
搖搖寸草春風前春風尚許草報荅過江上冢知何年  
過江上冢待兵戢登堂五拜親无及亂離孝友莫我期  
雲霄事業須汝立東家枇杷花滿林遠山秀列九青簪  
囊頭濁酒蛆浮白天外徵書鶴送音

梧溪集卷三

三知不足齋叢書

黃道婆祠

有序

黃道婆松之烏涇人少淪落崖州元貞開始遇海舶  
以歸躬紡木棉花織崖州被自給教他姓婦不少倦  
未幾被更烏涇名天下仰食者千餘家及卒鄉長者  
趙如珪爲立祠香火菴後兵燬至正壬寅張君守中  
遷祠于其祖都水公神道南隙地俾復祀享且徵逢  
詩傳將來辭曰

前聞黃四孃後稱宋五嫂道婆異流輩不冝崖州老厓  
州布被五色纈組霧紉雲粲花草片帆鯨海得風歸千

袖烏涇奪天造天孫漫司巧僅解製牛衣鄒母眞乃賢  
訓見喻斷機道婆遺愛在桑梓道婆有志覆赤子荒哉  
唐元萬乘君終覲長衾共昆弟趙翁立祠兵久燬張君  
慨然繼絕祀我歌落葉秋聲裏薄功厚饗當愧死

長樂未央玉璽歌爲秦景容總管賦

赤龍銜日照赤子白蛇橫斃烏騅死東風次冷咸陽灰  
長樂未央連闕起昆吾寶刀截瓊肪陰文小篆雲漢章  
盤螭作紐徑二寸歷歲四百傳天王黃星孛明銅爵舞  
銅仙淚泣如絲雨盜將神器竟不歸璽亦漂淪頻易主  
使君購得心良苦君不見豐城有劒氣上衝米船也貫  
滄江虹陋歌先附蘇卿鴻

梧溪集卷二

三知不足齋叢書

題余道本所藏大父元善號竹所卷 有序

元善諱有慶本韶人十二世祖靖仕宋諡曰襄有七  
世孫哲通判嘉興幼子昇贅華亭朱氏遂占華亭籍  
又五世至元善讀書慕義粟補司征官旣不樂仕以  
一隱德終蚤歲提刑陵陽卒獄雅重之後浙憲使荀丘  
張雲鵬宣州推官浦城楊載鄉貢進士江陰陸庸四  
明陳沅咸交焉題誌具在子允中繼歿竹所亦廢爲



煙墟露莽道本敦儒行情有不勝言者屬子序卷末  
且徵詩云

丹霜羽人粹且溫系出慶歷名臣門威然袖出竹所卷  
前輩畱題今具存竹所當時棄官日絲筵籥管氣深密  
大中參差鳳叶鳴小宜扶老鳩爲匹嘉魚有羹尊有醕  
何者是賓何者主一碧寒光谷水潭萬玉秋聲石窗雨  
喪亂相尋廿載閒斬竿採箭不曾閒花羅珍護陀尼錦  
月朗天空飛珮還

敬題汪氏天馬圖

梧溪集卷三

三知不足齋叢書

世皇勃起燕雲開網羅六合蒐英才許公劉公駕萬乘  
奔走扈從皆龍駮流傳駿骨八十載始見拂郎天馬來  
天馬來光昭回卻追電殿奔雷周圖揭贊漫汗九垓星  
房元精降恢台鍾毓水德真休哉金溝柳拂青韮毬弄  
影路寢鳴義臺今或以之靖氛埃三衛七校紛後陪芻  
豆莫漫肥駑駘芻豆莫漫肥駑駘

歲星漸高贈王伯純進士

歲星漸高辰星光鎮星不動天中央熒惑退舍太白斂  
晝芒南斗尚爾雲微茫有美一人被褐裳思君思鄉垂

十霜駁娑駘盪氣鬱蒼王屋石室爰相望願栢先驅弧  
四張歲星輔日照八極還種祭田汾水陽

喜聞整飭臺綱詔至是日雷雨因感時事寄何憲  
幕

幾年十月百蟄驚今年二月雷發聲陽和一氣轉大地  
忽忽草木回勾萌白頭偏僂賀新雨惟恐天威咫尺收  
砮弓綱常錯亂雅道壞誰本王度加修明何物梟獍徒  
遂害烏鳥情

謂盜殺越守  
臣邁里古思

烏鳥昔日辭桂枝集枳荆超

遷柏樹朝陽鳴啾啾衆黃口寒煦飢飮賴生成颺風翻

梧溪集卷三

豈知不足齋叢書

檜巢銜枯復經營其雛寢長大不但反哺報所誠梟剋  
腦獍磔腹嗚呼烏鳥卒存孝令名我有三尺蒼龍精亦  
欲爲帝擊不義除不平況君揚翹舒英如鳳翔九仞如  
玉價連城君奚不進臺中評令人思之涕泗橫蘇隄柳  
青驄纒輕暖紅花霧撲野鷺黃滕官酒瀉山綠而乃醉  
踏湖上晴碧雲裔裔東南征

題紅女二圖

春閨寂寂春漏長美人梭度金鴛鴦綠雲蔽地柳陰合  
紅露撲簾花氣香游蜂釀蜜燕將乳準擬郎來裁白苧

衣成稱體復稱心不惜尊前爲歌舞

疎星不流孤月耿銀河散落霜花影翡翠巢虛小閣寒  
蝦蟇更斷重門靜沈水微煙戀舊熏停鍼欲繡錦回文  
郎作長安一輪日妾作巫山小朶雲

冥鴻亭詩

有序

逢早游金陵臺臣有以茂才異等薦以病辭浙西分  
憲繼以晦跡上園薦不報兵興大府辟佐戎行又以  
材不勝任辭客公侯閒俟回鄉里而又不可得避地  
青龍江上扁亭曰冥鴻非敢自廣姑志所存詩曰

梧溪集卷三

語知不足齋叢書

冥冥飛鴻入荒一宇三光竝明周視下土下土之人徒  
弊罔罟鴻飛冥冥萬里一息與造物遊邈見其跡蒙莊  
大鵬祇掩溟北彼啄者烏彼唳者鳧彼甘區區梁藻是  
圖鳳凰來儀斯德之符山有灌木木有深枝無枝無巢  
鴻生連蹄鴻生連蹄天其汝爲天其汝爲而我無造作  
亭名鴻是則是傲惟傲伊何高舉遠蹈

小草軒詩

有引

或者病予冥鴻亭因別闢一室名曰小草復賦四言

苗彼小草于山之岑  
漑以流泉蔭以嘉林  
雪霜相尋雨露亦深  
根撥既固綠葉靡欹  
沅芷澧蘭同是芳烈  
伊人王孫斯曾傷別  
不曰遠志奚小名之  
在山莫尊出山莫卑  
卑卑以自牧君子謙  
撝天地互寒朔風孔  
棘衆就枯落蒼蒼其  
色色焉蒼蒼不同厥  
德春陽潛復勾萌蹶  
張長養泰和衣被景  
光子忍佩之爰樹之  
堂爰樹之堂爰獻之  
國忠君敬親匪頌維  
則則之維何小心翼  
翼

送貢泰父尚書整治福建鹽法

雷雨從天起涸鱗  
吳刀光彩照南閩  
不惟鹽議張林得

梧溪集卷三

聖知不足齋叢書

況乃邊籌杜預親  
穴渡尾閭偏少瘴  
星分喉舌早移春  
青煙亭竈鄰蛟室  
赤汗丁夫類鬼薪  
寬減一分存草奏  
貢監諸物上楓宸  
乘驄使者交游數  
豺虎何由感化馴

寄柏希顏憲僉

春申山上駐旌旗  
千騎中間識漢儀

公嘗以常州同知總兵江陰

嚴

警正當傳箭日清  
談會到結繩時車  
前軾畫熊罷象柱  
後冠存獬馬姿林  
杜葉青陳宴饗甘  
棠陰合被歌詩法  
星一夜臨丹極爽  
氣崇朝轉赤墀遂  
奉綸音司奏劾再  
持使節寄安危霜  
飛五月無朱夏天  
入三吳有釣絲蒼

莽城池餘燕麥森茫煙水接鳧菀民生轉徙家何在道  
殫相望命若遺河內便宜須汲黯宮中直諫憶辛毗邇  
聞行部收殊蹟不忘斯文忝故知七載兵興無限事願  
趨鈴閣共論思

寄趙仲穆待制

天朝遺老故王孫暇日湖山接討論萬雉金城猶遶汴  
六龍雲氣總歸元士林冠蓋交中國黃閣絲綸萃一門  
緒業遠宗虞祕監風流曾似馬文園歌殘白苧花圍席  
書罷烏絲月滿軒回首風塵重懷想爾家餘澤在乾坤

梧溪集卷三

云知不足齋叢書

題息齋李公墨竹 有引

公爲婺州路同知時先君獲會於杭大蒙友重嘗作  
風晴雨嫩四竹以贈其嫩竹中一古樹尤蒼潤秀特  
因指謂曰此類若英妙中氣幹耳先君每佩感其言  
倏已四十餘年矣兵後展玩爲之惘然敬述四韻

東南文物萃時康先子曾瞻太白光湖上薰風歌綠水  
袖中霖雨作蒼筤零陵目冷湘君淚淇澳詩存衛武章  
猶有佳人在空谷天寒愁思碧雲長

寄買靜安新利安二樞幕

宥府分兵建羽林芙蓉帷幄靜沈沈風塵地迴陰靈泣  
霜月城高紫氣臨一飯不忘當世事百年誰識遠臣心  
別來豈但懷思切臥聽關河過鴈音

送省架閣張彥升使淮府慶宴還省兼簡張夢祥

樞掾

江南江北地全歸弧矢星明燧火稀丞相天寒青建幕  
使臣春日繡爲衣穀烝體薦殊恩禮金券丹書煥德輝  
好約鄒陽同倚馬梁園醉賦雪花飛

陪宴周伯溫左丞劉君楚侍郎是日席上出汝瓷

梧溪集卷三

鴨爐焚香因賦以簡二公

堂啟芸暉寔相君鷓斑鸚綠鬪青芬一絲欲染花間露  
五色微生日下雲袖惹氤氳思漢閣詔頒綸綍擬皇墳

時劉閣  
詔吳中

東吳二月無塵事看劍攤書任酒醺

簡鄔同僉

南粵稱臣陸賈勞漢廷何愛璽書褒恩波遂與三吳闊  
爽氣眞連北斗高鶯嚙羽林交杖杜馬閑沙苑暗蒲葍  
天心厭亂民懷德未說關河恃虎牢

送觀可道員外祠南鎮使淮府還京二首

親奉天香祀會稽黃封玉檢爛金泥地同南嶽臨朱鳥  
祠備名藩異碧雞三秀乘春沾雨露五雲披曉見端倪  
好祈神化資神武縹緲前旌舉白霓  
南鎮春回草木青溪毛猶帶舊時馨黃塵荏苒民誰賴  
黑海滄茫使有星爲愛寶書探禹穴豈揮清淚向秦庭  
萬艘轉餉成山道想見風雲護百靈

送王季德主事祠南鎮還京

千羽春明玉宸闕皇華躬遣祀稽山蓬萊雲霧隨封檢  
數落仙曹降珮環宣室舊承前席問樓船今駕海濤還

梧溪集卷三

三六知不足齋叢書

東南父老憂時切落日扶藜得重攀

送曹德基尚書督海運還京

公府頻年集大勳使傳天語勞憂勤太官酒注芙蓉露  
上渚衣開錦繡雲船趁風清通瀚海招搖光澹靜妖氛  
還朝有道扶王室首奏何人策冠軍

吳江第四橋阻風

虹梁雪灘光滅明風著岸 魯冰鱗生空邐天晚亂木葉  
太湖日寒多鴈聲馬周斗酒足自慰龜蒙扁舟有餘清  
囊中青錢不滿百聊買小鮮來就烹

風雨獨坐

先生閉戶坐連朝，春雨破塊風鳴條。  
九峰三泖野陰合，五城十樓雲思遙。  
蝸牛戴角上金井，蝦虎成羣迎白潮。  
桃花底事苦爛漫，幸有尊酒慰無聊。

秋感六首

吳門葉落季鷹船，朔野霜橫白鴈天。  
三楚樓臺餘夢澤，兩京形勢自甘泉。  
采雲帳幄冷風滿，瓊樹花枝璧月圓。  
本是宣光中興日，腐儒長夜泣遺編。

梧溪集卷三

况却不足齋叢書

楚存三戶未亡秦，颶風天靜浮青海。  
朔漠山高直紫宸，莫爲鬼方勞外伐。  
壓弧箕服最愁人。

豆苗瓜蔓未應稀，菘米蓴絲積漸肥。  
南極有星天半隱，東維無地海全歸。  
連城不換相如璧，百結何妨子夏衣。  
回首故山荆棘外，幾年空翠鎖煙霏。

茗花蕢葉繞林扉，獨立蒼寒見紫微。  
夜久長庚隨月上，天清高鳥帶霜飛。  
京吳會三江入，百二秦封六國歸。  
烈士暮年心未已，無言思解白登圍。

南越東吳帶楚臯，頻年醉眼送飛毛。  
滄洲露白蒹葭滿，



甲第秋聲蟋蟀高九日天涯桑落酒三軍城上柘黃袍  
試觀漢後詩人作獨覺遺風屬阮陶

鯪魚風息淨江波  
軋軋機絲響霹靂華髮道途秋日短  
曠懷樓閣暮陰多  
浮查受宿炎洲翠細草從眠墨沼鷺  
心自隱憂身自逸  
幾時天馬渡滹沱

聞鐘

苜蓿胡桃霜露濃  
衣冠文物歎塵容  
皇天老去非無姓  
衆水東朝自有宗  
荆楚舊煩殷奮伐  
越陀新拜漢官封  
狂夫待旦心良苦  
喜聽寒山半夜鐘

梧溪集卷三

早知不足齋叢書

奉謝嚴子魯左丞枉顧

畫省春閒退自公  
草堂枉駕走鄰童  
兩川使節瞻嚴武  
五郡民心憶竇融

其祖武惠公以山東五十四州歸附

簪履百年門客盛

詩書今日野人同  
高秋擬踐論邊約  
絳蠟光搖虎帳風

寄倪元鎮

笠澤雨晴煙霧除  
放船適逢倪隱居  
黃河泰華意氣若  
金薤琳琅書畫如  
露浮箸葉熟春酒  
水落桃花炊鱖魚  
莫嫌忘形禮法外  
難得合併憂患餘

題包旂彥招管溪別業

夷吾溪上草堂成江月浦風相與清蒼苔白石琅玕長  
積水疎簾翡翠鳴鮫女賣綃新誠主家人舉案笑呼卿  
膝前況有兒如玉收拾餘金鑄短檠

送葛玄素住持普福宮

海虞山色秀屏開紫氣丹光湧玉臺父老舊瞻雙鳳下  
神仙今跨五羊來綠林烽火沈虛壁蔓草春風轉上臺  
聞有子規栖未穩長松空傍井邊栽

簡林叔大都事

省闈無事日盤桓猶是中朝供奉官半臂縹綾披月下

梧溪集卷三

聖知不足齋叢書

三神珠闕望雲端芷薜草變鯨波落苜蓿花開鴈塞寒  
因話朔南聲教在一回相對客懷寬

贈呂醫師 有後序

橘花開處杏陰青草吹香覺地靈貧士願畱餘藥券  
故人思續衛生經玄霜玉日晴猶溼華月丹房夜不扇  
張敘苦吟仍病肺好和熊膽護脩齡

敘字彥倫吾鄉黃田人也家甚貧日往返十里從子  
讀尚書鄉之大夫士咸愛其才志篤敏將進乎學子  
獨懼其神氣不充久而殆病也未幾果病子淡憂之

遂用宋清故事具券卽醫師呂如心氏如心曰吾道  
本乎施濟竊計清所獲特市道之雄耳奚券爲哉且  
夫人之常情孰不願賢而利達富而壽考幸生而賢  
賢而苦貧貧而苦病病而不能藥我是何心哉遂反  
其券命日服藥一裹至數十裹而愈愈之日予詩之  
而復序之蓋所以旌如心之德而爲彥倫慶也

木 訓夏仲寶府判包德文提學德立縣尹

春日頻承鄉里書鴻山別業問何如風煙不異王官谷  
馬幣曾過處士廬豈避浮名終遠去祇緣多難數移居  
使還爲報諸先德黃獨苗長一尺餘

梧溪集卷三

望知不足齋叢書

簡趙茂叔山長

木槿花開落日邊感時興歎撫遺編何蕃仁勇真難及  
江總才名不大傳邗笮舊通秦道路柴桑猶屬晉山川  
嗟子鞅掌風塵世頭白終師魯仲連

簡張光弼員外

瘦馬羸童退食遲倒衣相見卽相知風流不減張京兆  
心蹟無慚柳士師枕上燕鶯鳴曙日道旁花絮罨游絲  
天機人事觀多遍笑約西山賸采芝

簡陳韋羌員外

幕府深嚴午漏遲  
簾文簾影碧參差  
總傳白馬陳從事  
每念青袍杜拾遺  
大地風塵憂未解  
扁舟江海去無期  
涼天鴈叫芙蓉發  
許奏軍中鼓吹辭

陪淮南僚友汎舟吳江城下

波伏魚龍夜不驚  
菱花千頃湛虛明  
吳儂似怪青絲馬  
漢月重臨白帝城  
世說竇融功第一  
獨憐阮籍醉平生  
樓船簫鼓中流發  
喜及東南早罷兵

送何憲幕北上

梧溪集卷三

聖知不足齋叢書

千里妖氛百戰空  
送君先謁建章宮  
尖牛漫喘雲閒月  
天馬終依冀北風  
仙掌向秋清  
露滿銀潢疏派大河通  
至尊宵旰仍多闕  
臺諫何由得數公

送毛宏道赴內察掾兼簡任子羽憲幕

越王臺端驄馬青  
憲郎一鶚上青冥  
二儀開闔車書正  
中夏清寧草木醒  
都邑載瞻春有象  
東南私喜客無星  
鄉人解后詢消息  
十載鶉啼少脊令

憶程禮部字文憲僉二先輩

憶陪清宴嫩涼天  
南北雙峰几杖前  
文行竝優耆舊傳

笑談會及汝陽田。高風鴻鵠歸三島。明月蘭苕在一川。  
私歎衣冠就淪落。東南誰頌中興年。

送薛鶴齋真人代祀天妃還京

蓬萊宮裏上卿班。代祀天妃隔歲還。日遶五文皆御氣。  
海浮一髮是成山。風霆夜護龍鸞節。雲霧朝披玉雪顏。  
聖渥旣降元化盛。轉輪應盡入秦關。

龍江齋居簡許怡軒江城南王至訥瞿閒野王晚翠

投閒田野罷從軍。孟夏齋居樂可云。銅滴水寒蘭葉露。

梧溪集卷三

聖知不足齋叢書

細簾風颺柳花雲。門生載酒還多酌。道士籠鷺或一羣。  
近種黃精三百本。秋高分寄許徵君。

鷓粟花開蠶豆肥。梓梧陰合乳禽飛。一庭生意何曾歇。  
四月青春不見歸。只爲身閒家有此。尚論心壯事多違。  
鄰翁也道山人樂。顛倒烏巾鶴氅衣。

題松隱菴

第二名泉瀉玉虹。九龍分遶梵王宮。雨餘清氣來天上。  
風定鳴聲落座中。松葉晝昏山欲合。藤花雪白徑微通。  
老僧異我君親念。一卷琅函荅太空。

留別陸芳潤張孟疇田仲耘王孟翼

楓葉殷紅枳實肥  
蘋風蕭颯芰荷衣  
白甘許汜求田去  
不擬劉蕡下第歸  
日落大荒狼夜哭  
天含積水鶴雲飛  
諸君有待乘槎使  
直犯星河織女機

故湖口縣主簿蔡君挽辭

有序

君名德榮字景華揚州人也至正十五年從淮南省  
臣出征累勞授將仕佐郎湖口縣主簿明年春三月  
揚失守將扈鎮南王北奔淮兵執之見其將命以官  
力辭既羈縻於吳卒君之子平江錄判徹友於予一

梧溪集卷三

望知不足齋叢書

日泣拜曰徹先君家素饒好濟賢士之貧者卒不望  
報好飲酒客或沈湎廢禮亦不之退鄉里用是稱長  
者然不幸遭亂死尚幸節不失徹陷草澤得生還忝  
斗升祿爲老母養實先君遺靈是祐先君久鬱鬱地  
下惟先生垂一言而顯白於世則幽潛之榮徹之至  
願也予嘉徹孝乃敘而詩之詩曰

不識中郎裔咸稱長者風  
淥尊客潦倒金帛濟途窮  
楊柳平山外瓊花后土中  
亂離霑一命慷慨抱孤忠  
驥子飄零隔荆釵患難同  
劔虹衝夜斗書帛斷春鴻  
命也貧

甘節天其夢告終山人追作詠應感九泉通

題僧教求傳先世姚氏遺事

有序

嘉定姚舜元字景瑞少拳勇以武功授宋保義郎平江府東南副將守吳淞德祐改元爲元至元十二年其冬王師下平江君邑大族民樂附弟舜賓子應龍興龍應龍登咸淳間第太學上舍相感奮曰國家厚澤在人大本未去收合散亡應內援外事可濟也未幾王師偏將東徇莫敢犯境十二月十六日會天霧四塞襲兵卒至咸死之上舍子復明易侍讀學士北庭貫公最友善嘗敘其詩集今靈隱書記僧祖教復之中子於君爲曾孫謁予以遺烈告子謂其先爲臣能忠死爲弟能義死爲子能孝死忠義孝萃於一門而可使之無傳乎教泣載拜曰願有傳也乃述

其槩繫以詩詩曰

賈勇收餘燼驚心壓大兵  
蚍蜉曾少援葵藿本同誠  
尺伍開符籍孤虛識陣營  
青烽寒入望銅斗夜傳聲  
朔吹刀如割南天蓋未傾  
小臣甘效死同氣忍偷生  
江洶濤沙合星流霧帳橫  
一門忠孝行春草尚含情

梧溪集卷三

聖知不足齋叢書

題邵氏家譜有引

邵自康公至東陵侯平凡五十世又八世至東漢左  
中郎馴召始加邑又四十世至唐名旺者爲濛源府  
君從睦州遷居淳安之諫村支派最蕃衍宋有吳越  
邵子孫以先世唐尚書左僕射易直刺史若虔州思  
括滑州行封歙州裕期湖州叶丹徒尉符并州刺史  
強右武衛兵曹肅會稽令顛濮州刺史儒官誥詣有  
司帖授衣冠戶時開寶八年又十三世名桂子爲宋  
處州教授有別業在華亭處州孫亨貞出示族譜逢

梧溪集卷三

聖知不足齋叢書

敬題是詩

宋日衣冠戶唐朝德澤門變遷支派異貧賤典刑存瓜  
盛青雲合棠高玉露繁蜜房蜂祝子香壘燕生孫誥護  
先王勅車畱大守轡一家天與貴百世海涵恩歲有團  
樂樂春多語笑溫齒非論犬馬祭每課羔豚服任總麻  
盡心期禮義敦國風詩在魯山脈氣朝崑伊呂曾爲匹  
朱陳近結昏公侯必復始尚憶諫名村

和朱理問見貽韻

風雨懷賢夕東南厭亂時湖翻波自洶天聳聽還卑倦



塲鷹鷲翼紛張，蜃鱗頤終章。繡早棄，直使斧先持。屍錯  
兵三策，陳平計六奇。金銜龍口劔，青絡馬頭絲。草接春  
程闊，花穿午漏遲。明珠還蚌，社白兔獲符籙。方物通諸  
貢，民生免百罹。偶存丘壑，想遂保棟梁。姿寵利從爭，敏  
才名任詆嗤。噲由來五色賦，甘後兩錢錐。跡異商歌綺，功  
收蜀將維。武經閒虎略，恩帶臥犀毗。此日猗玕洞，明年  
赤玉墀。五雲瞻繚繞，湛露浥華滋。車笠盟誰忘，煙霞疾  
我私。紫垣星北極，茅屋地西枝。嗜酒全元亮，吹竽退子  
綦。鄉山瞰蓬海，黃髮候安期。

梧溪集卷三

吳知不足齋叢書

謝嚴院使枉顧旅次

漢節驅前隊，吳驂夾兩轅。肯來詢白屋，迥異過高軒。葛  
亮煩三顧，禮明契一言。君王憂社稷，臣子瘁藩垣。碣石  
深淪海，黃河不改源。日知陳俎豆，夜想屬囊韃。客忝游  
從數，家承禮義敦。風流賢謝傅，尊大鄙公孫。鈴響花連  
閣，舟橫柳映門。春來足清暇，誰與看雲鸞。

送兵部使賈彥彬北還二首

有引

彥彬名文質，晉寧人。嘗以都水監奏差，押兵部馬赴  
安豐還。次全椒，遇亂，幸不死。側身草野，凡數年始獲。

奔浙省省臣嘉其鋪馬聖旨在上之中書逢勞以詩

云

天上小行人全椒犯虜塵九年君入望萬死鬼爲鄰星  
轉蒼龍近船歸綵鷁新殊恩酬苦節悲喜集楓宸

使臣全璧返行色澹婁阜毛落蘇卿節綿寒范叔袍柴  
桑空月冷桐柏尚烽高有問征東策天兵勿自塵

哭沈先生

有序

先生諱蒙字伯亨西秦人從子方陸公學旣待父官  
於潛因游天目山作記累千言復唱古詩百韻一時

梧溪集卷三

吳知不足齋叢書

座客咸儉衽謂才足追配海粟馮公之賦時年十九  
耳平生明春秋尚書淹貫子史百氏學氣節踔厲累  
應試不中拓落江淮閒二十年日寄傲於酒貴富人莫  
能下後江陰亂偕友趙乾宗往依馬州鉅室未幾亂  
兵執先生索鉅室主卒不言遂與趙遇害哀哉逢避  
地暇命兒掖錄先君庫使行狀妣李氏傳感先生大  
手筆足以發揮潛德嗟先生不幸死而言行之懿則  
非逢所能述也姑哭以詩

三楚皆兵禩中洲自樂郊不虞烏啄屋竟作燕焚巢氣

節摧強虜文章哭故交家山限天塹瞻拜奠蘭肴

寄汪用敬劉彥肅二憲郎

太尉新開府諸曹舊直臺節毛通萬乘旗羽拂三台路  
遶青州入烽從赤壁來英雄滿麾下參贊屬奇才

題堅上人石林圖

石林禪隱地萬木擁巖礮風露蒼寒闊雲霞玉氣高採  
花猿效供銜果鹿忘勞亦有清吟客時同步紫釐

何禮部國器畱晚酌得飛字

晚酌尚書第杯光照客衣錦鱗魚竝躍銀燭鳳交飛疎

梧溪集卷三

予知不足齋叢書

樹風涼進幽蘭露氣微喜聞謙退語不減在郊扉

贈啜靄進士

分攜十六載兵後見殊鄉道在衣從短時來面覺方苑  
花鶯囀日邊草鴈啼霜出處關文運燈前且盡觴

贈王菊鄰

白露秋香外君家若箇邊神交陶靖節地主傅延年採  
對蒲城酒餐同橘井泉宗人有王翰行咏卜鄰篇

寄邁善卿憲幕時總戎越中

憶同沙進士訪我大江濱座酌烏程酒篇連賈董文瓊

林依日月禹穴會風雲極目窮南紀書生將一軍

貢玩齋尚書邀往西山觀程以文員外葬地值雨

作

旌槩澹秋色衣沾疎雨涼身忘侍從貴義急故人喪地  
隱牛眠穴山回鳳舞岡河南先墓表百世耿相望

吳信州總管靳公二首

有引

公諱仁字利安弟二人義字處宜太平路總管守節  
死贈河南省左丞智字士達浙憲知事卒竝有材德  
世重憐才義人趨讓廡風鯉庭承孝友鶴髮佩公忠曰

梧溪集卷三

平知不足齋叢書

月迂花萼嵩邱隔柱叢一門三采鳳無愧薛河東

令弟皆知已巖廊兩薦名乾坤離亂日金石死生情牛  
渚孤忠耿烏臺爽氣平高天鴻鴈合好在洛陽城

題虎樹亭

有引

趙宋聰禪師住華亭佘山時有二虎噬人師降服之

命名曰大青小青師卒虎亦死弟子瘞之塔傍踰年

生銀杏樹二今尚存主僧隱公闕亭樹閒扁曰虎樹

徵逢題是詩

舟泊東西客詩招大小青山高白月墮草偃黑風腥植

物鍾英爽精藍被寵靈涼陰慎翦伐畱護石函經  
澗湖舟中懷謝府倅履菴

月破山河影天垂霧露陰西風寒不競東井夜空臨獨  
擢滄波闊踈燈落木深無官卹民隱思爾細論心

寄衡良佐御史

昔忝左丞客屢陪賢佐遊論兵雪驛夜觀稼石門秋大  
器已馳馬不才還做裘天風動書劔思載剡溪舟

寄南臺經歷察士安

傾蓋庾冰宅賡歌黃歇山鹿麋任野性鷓鴣老朝班空

梧溪集卷三

至和不足齋叢書

石亂雲裏研池脩竹閒遙知草奏暇游馬夜深還

登吳山三茅觀訪貢尚書畱宿口號

湖光湧殿壁石黛長巖根散髮誰騎虎披衣客聽猿天  
經南海闊斗輔北辰尊竟夕風生座溥溥竹露繁

同楊鐵崖提學兩坐章園

野闊小溪橫苔梁翠碧明二人終日坐微雨四簷聲  
裊裊花氣衣含水木清何當放樓艦同上錦官城

謝王季野馬東臯二鍊師枉顧

白馬搖雙轡青童扣獨扉汗揮雲火日心在薜蘿衣

爲吹笙過無因待鶴歸秋齋帶琳闕清坐莫相違

寄兀顏子忠廉使

詔開神策府星麗太微垣霜候深秋正湖波舊日翻鷹  
蒼拳玉立驥伏志雲鶩亦有王通疏三年望帝閣

贈章彰德吉父

致仕章彰德雲閒負重名義田春雉雒書閣夜燈明諸

舅依妻子孤臣

謂楊乘員外

寄死生黃金日圍帶躬導板輿

行

寄魯道源提舉

梧溪集卷三

至知不足齋叢書

謝病儒臺客從來結友生達官辭板授弟子賴經明孔  
座尊常綠雷津劒合鳴嘉魚厭客邸只少各歸耕

簡黃心之同知

夜宿松陵館湖開一鏡星蛟潭積水黑蟬屋亂燈青漂  
泊身垂老疎慵酒復醒慙君在官守憑軾慰零丁

題謝疊山先生所撰高士薛君墓誌銘後

有序

君名伯英字俊夫號秋潭貴溪儒家子也學老子於  
龍虎山理宗朝以術排潮復驅旱魃咸有徵召見復  
古殿甚異之事父母孝義於兄弟上清宮有古琴善

琴者以爲東南奇寶流落塵人家四十年君常曰此  
山中舊物人所共珍何忍使同俗物乎謀厥弟空囊  
中得錢千緡贖歸與其徒共之有弟爲游士累貪吏  
因羅織之勢窮矣君盡力以救不足則率兄弟爲士  
農者傾常產以脫急難謝先生曰以君志諒持爲天  
下用豈肯聽祖宗神州赤縣淪沒百三十年而不歸  
乎豈肯視生靈怨愁國步顛危而不一策拯救乎  
韓退之見當世無偉才朝廷無忠臣義士遂疑忠信  
材德之民迷溺於佛老之教而不一得廖道士驚

梧溪集卷三

善知不足齋叢書

喜如見異人吾嘗恨不見廖道士者矣惜吾生同郡  
而不及與之言也其推重若此君咸淳六年卒族曾  
孫毅夫以詩題四韻

野服辭天子山居味道真力能歸舊物義不外彝倫雨  
協雲霓望潮回白馬神仙風高百世謹論感孤臣

寄黃仲瑱山長

三度貢春官中年樂考槃韋編百氏易緇布古時冠雲  
漢星疏曉江滙日暮寒高堂枕泖曲獨遺子孫安

題限明敘安然堂

嘉道張君子安然扁野堂一身離寵辱六鑿罷搶攘對  
酒鶯來下看書筍過長青山忘賓主白髮任行藏

避地養疾寄謝吳桂隱張清遠黃璟和張柳莊

落日愁無那徂冬病不斟杖藜竦木下藥火閉門深琴  
歇陽春曲書親夜氣箴朋游數餽問益見子輿心

題謝縣丞季初可竹軒

明府深居竹淇川不營過虛心待物久素節守官多雪  
影魚竿瘦春聲鳳律和更栽花滿縣相映澱湖波

題余寅景晨雨濡亭

梧溪集卷三

至知不足齋叢書

孝子亭何處斡山蒼翠陰簷花中夜滴墓木百年心胛  
嚮通冥遠神龍澤物深焚香肅寇珮警欵有遺音

過姚孟麟元鱧余山溪堂

堂依余北澗泥滓淨毫纖空翠澗侵幌水衣光動簾熱  
毛情每洽薦鮪味時兼一酌佳兄弟家興讓與廉

過馬天章水村居

嘉興馬錄判歸築水村居士銜長腰米萁羹巨口魚青  
衫沾露薄華髮向秋疎尚爾丹心壯無時去玉除

題謝頤素一勾軒



一勺源頭水當軒晝夜淳鑒心塵帶昧昧育德藻同馨玉  
匣開天象冰壺泄地靈山人研池渴分得小龍腥

題唐子雄照磨博雅堂秦景容郎中爲序

博雅堂高闕君應慕古初交龍座右鼎科斗架頭書性  
朴時多忤居深跡自疎少游大手筆不啻重瓊琚

登朱聽孟律海月樓

櫻居延海月人訝小冰壺平地流銀漢中天倒白榆兔

蟾秋竝浴蚌鮎夜相濡咫尺驪龍睡無心摘領珠

哭成元章

諱廷珪與丁仲容先後日生李坦  
之張仲舉咸至交好有詩倡和

梧溪集卷三

去知不足齋叢書

淮海成遺逸詩吟字字精每稱盧八米堪敵李長城虹  
日銜雲赤霜風落木清計聞張祭酒涕淚想沾纓

名後登龍李生同化鶴丁看花頻后土裏茗或中滯世  
事餘黃石朋游半列星何人諡貞曜永爲賈泉局

近故二首

近故儒林老於予起歎嗟清秋書柿葉落日賦桃花碑  
碣雷吳滿雲山向越縣多情楚宮月來照未棲鴉

近故維揚老威儀本漢官才高三禮賦心折一泥九露  
氣金盤溼簫聲碧落寒空餘茂苑樹鶻血幾時乾

鄰飲

蠟炬遶紅鸞盆花玉露傳無家憎月色多難薄春寒毛  
穎時旌鬼黃金少鑄官西鄰燭酒孰得馨一回歡

趙待制木石爲張怡雲題

湖舫雪飛鷗湖堂山倒流雷風收夜雨木石寫高秋對  
酒忘新樂披圖念昔遊王孫久長邁芳草思油油

武林道中

風雨孤舟客乾坤一葉身久憂龍戰野翻作鳥依人山  
赭嵐光薄田萊水色新忍言疇昔夢歌舞送鴛辰

梧溪集卷三

至知不足齋叢書

舟中值雨寄廉清忠許澄江二山長

野艇人淹泊湖天雨往來草牽春緒亂花倚暮寒開積  
水鮫鳴杵長隄蟻潰臺襄王限楚澤宋玉漫多才

題鍾氏亭子

愛爾亭如舫繁陰滿四楹月高聞露滴春遠惜鶯聲煙  
直香逾細杯深酒益清翻嫌衆綠暗爭賞一花明

寄傅文博御史兼簡丁彥誠知事

微疾感霜露客居驚歲寒遙紆長者轍還戴惠文冠世  
亂窮途早家貧一飯難春來幸勿藥思與奏荷蘭

寄蘇上海彥祥兼簡李教諭

楓盡荻花乾。蒼茫海國蟠。莫窮三尺法。須費一分寬。集  
吏朝鳴鼓。憂時夜整冠。高情繼蘇頌。應念廣文寒。

懷楊彥常編修

落月夢千里。故人天一隅。名高藝文傳。才大廟堂謨。申  
白舊賓楚。鄒枚終去吳。河外伴新綠。應已賦三都。

寄博鰲海掾郎兼簡宗燈二上人

省郎前進士。齋出素封家。畎畝寸心赤。風塵雙鬢華。玉  
衡低虎觀。金柳亘龍沙。寺壁詩千首。煩僧覆碧紗。

梧溪集卷三

吳知不足齋叢書

簡林仲寔主簿

休官林主簿。數數問幽居。野飯狼牙菜。山醪鹿角魚。刀  
圭知有術。光範喜無書。想見徵龐統。花迎別駕車。

簡陳野航主簿

畫舫古琴書。青袍雙珮琚。詩題梁紇廟。恩注白公渠。訪  
舊論心密。傷時任法疎。人傳飲淞水。不食四腮魚。

聞畿甸消息

白草生畿甸。黃沙走塞庭。直憂星入斗。兼畏雨霖鈴。殿  
閣餘龍氣。衣冠自鵠形。吳粳斷供餉。隴麥向人青。

辛丑四月朔西日下黑氣相盪久之口號八句  
躍馬羣雄日歸鴉薄暮時正傷雙目短又見太陽鬱野  
老相扶拜天王豈宴私金戈望南國應似魯陽麾

春寒

天水新歸蜀齊城舊入燕可憐羈旅士重越亂離年日  
晏還晞髮春寒懶著絲無情野桃李風雨亦成妍

題歲寒橋

有引

至正壬辰七月十日徽寇犯杭時樊時中執敬爲浙  
省參政亟禦於橋遂死之

梧溪集卷三

堯知不足齋叢書

大參身死歲寒橋忠血長流憤未消一片王孫煙草色  
岳墳松柏共蕭蕭

奉題清碧杜隱君爲先子隸古西銘太極圖說後  
武夷仙權泊溪雲曾寫西銘太極文參政

謂周公伯溫

畱題

猶六載草堂新對一爐熏

奉題文丞相小像

贊附

中齋鄧公光薦贊曰日煌煌兮疎星曉寒氣英英兮  
晴雷殷山頭碎柱兮壁完血化碧兮心丹嗚呼孰謂  
斯人不在世閒虛谷方公回係贊曰始見可畏再見

可愧三見出涕。噫千萬世。

何代忠臣事二君。先生一死重斯文。後來故國多登相。  
傳說孤星燭暮雲。

奉題曹先生柏窗卷 有序

先生諱思順字彥信柏窗其號也厥先自昇徙梅李  
宋初復徙江陰五世至文雅生碩咸隱居教授碩以  
子璉湖南提刑貴贈金紫後有三昆弟聯登進士者  
故所居坊名叢桂先生蓋金紫十四世孫巖重謹言  
明易浙憲呂公思誠薦授儒學官再除以大母酈春

梧溪集卷三

字知不足齋叢書

秋高遂弗仕至正乙未遭亂病卒有遺藁十卷子傳  
美文行女淑靖蚤寡守節淑清淑寧竝不辱死逢僭  
嘗銘墓曰吳季子邑大江隅曰大姓族曹莫踰歷二  
十世家守儒公兩典教光前禩桂百斯葉一葉數中  
復瘁只吾何吁天其好還昌爾孳至是復題是卷云

詩曰

叢桂坊西古柏青韻含風露雜琴經先生久作芙蓉主  
喜有餘陰覆鯉庭

春霜

天家青女試春霜細藻微波凍野塘茅屋布衾誰道  
隗囂宮合瓦鴛鴦

和惠子及雨中五首

草閣寒多帶水陰雨餘江鳥自浮沈鬢毛漸比吳絲白  
春色多隨社酒深

桃花昨夜愁盡發燕子今春疑不來雪衣鸚鵡亦可怪

錯喚主人非一回

今春又值甲子雨十年之前人日晴東風誰家作花信

白水滿堦如雪明

梧溪集卷三

空知不足齋藏書

鵝鵝喚雲雲不開紫茵生榻蝸行苔五花誥身酒市賣

一葉野舟天際回

小范宅前花霧開正要惠子白驢來春波鴨綠酒正色

飲酒對花須百杯

和趙女謝世韻 有引

南臺掾趙晉女生而秀慧多病愛讀列仙傳母怪問

曰列仙傳何如列女傳女笑荅曰某有夙習乃爾哉

聞人請婚輒謂母曰凡求婦為養舅姑承祭續後也

不以實辭而聽其納采脫物故其失三者之望必也

氏是尤遂辭之年廿六一夕命婢使具紙筆題詩曰  
九重縹緲黃金闕十二玲瓏白玉樓明朝了卻人閒  
夢獨跨青鸞自在遊端坐至曙而逝文學書院山長  
樊君浚傳其事屬予與許棕各和一首棕曰大地風  
塵連水國九天月露滿瓊樓青鸞背穩星河近先從  
西池阿母遊浚字文淵廣信人棕字友常吾鄉佳子  
弟也予曰

珠樹三花開福地采雲五鳳敞粧樓無情莫伴天孫織  
有樂須同婺女遊

梧溪集卷二

空知不足齋叢書

題趙文敏馬

蕭蕭苜蓿起秋風隱隱黃雲沒塞鴻可愛南朝趙公子  
尚臨先世玉花驄

題陳希夷睡圖

華山松樹倚雲臺五季龍爭眼倦開未必先天參妙理  
墜驢一笑卻歸來

題李唐江山煙雨圖

煙雨樓臺掩靄閒畫圖渾是浙江山中原板蕩誰回首  
只有春隨北鴈還

齋居四首

野堂人遠晝深沈  
風裊爐香度玉琴  
黃耳臥當蕉葉下  
畫簷啼傍石榴陰

坡石幽花駐夕曛  
研池飛絮弄春雲  
故人書拆南窗下  
多是稱呼作隱君

有酒不煩人問字  
無金仍望子收書  
如何話得幽居好  
一箇鶯啼春雨餘

花嶼生寒雙袖露  
酒波動影滿瓢星  
女兒強健身閒樂  
稚子時時過草庭

梧溪集卷三

奎知不足齋叢書

邵景諡席上醉題

五茸三泖水雲寬  
幾處春移草亦寒  
惟有種瓜門業盛  
牡丹花到子孫看

夜宿岳氏醉題

霧重魚生翼山昏  
虎變文列星如品  
字知是羽林軍

題瞿睿夫鉤勒竹

我嘗宴龍君醉躡  
白鳳尾都將蒼梧  
雲零亂瀟湘水

題猿圖

霜清月白時冷挂  
長松枝想愛玉澗  
水弄影照須眉



趙待制畫爲邵臺掾題

有序

丁酉仲夏予自梁鴻山復辟地青龍鎮遇風恬月霽  
或木脫水落輒命童孥小舟延緣黃浦淞泖閒無以  
形容身閒心樂也嘗擬棹歌曰月明濯足龍江口木  
落題名鳳山首三泖天低一幅巾五茸露瀉雙瓶酒  
道逢船子歌載過季鷹拍手龜蒙和澗湖慘澹神姑  
迎魚波鱗鱗鏡光破又曰靈胥潮落龍華步少女風  
生蝦子渡蒼葭兩岸船獨搖紅葉千村塔微露前峰  
四五先我揖龜魚踴躍蛟起立銀河滄海氣同流頭

梧溪集卷三

蓋知不足齋叢書

戴青天如翦笠及己亥秋游杭戶部貢公泰甫以予  
久屏城府之跡夙徃泉石之好乃一日邀集賢趙公  
仲穆宴子湖山眞館於時境延虛清座挹勝賞偶舉  
是歌趙曰斯氣象殆非有聲畫而已然畫當屬之我  
也衆相顧大笑未幾圖成予詩謝曰魏國佳公子煙  
波小釣徒偶同鴈詠樂得寫權歌圖林木巢春燕叢  
祠嘯火狐終焉隨蹈海不敢歎乘桴自後有以蕭山  
令薦子者予還寓隱旣邊報急聞趙亦歸雪上以卒  
今年甲辰彥文解后吳江示趙所畫綽有權歌景子

語以此彥文俾歷敘詩左云

天目凝神外。由拳望眼中。霜清下木葉。得與醉垂虹。

書宣妙春雨田上人忞山禪房二首

鍾鳴林采曙。衣冷山氣夕。時復煮茶香。煙籠半簷白。

松風琴虛弦。雲磴屐落齒。坐來木榻穿。爐香一盂水。

吳中步雲洲道士事老寡女兄甚至為贈絕句

看經得錢幣。置酒奉女兄。擬衣紫霞帔。同上青雲城。

題琅西崑開士冬筍軒

雪中筍斑斑。如兒在襁抱。兒參玉版師。親年如竹老。

梧溪集卷三

奎知不足齋叢書

馬頭曲 有引

馬頭者大都名姬也。始為黃禪太子寵。黃禪伏誅沒。

入以賜太平王。王薨。子唐其勢留之。唐其勢被伯顏。

太師殺。復沒。賜字哥字哥。國語力士也。柯鑒書九思。

嘗賦曲。淮東憲史張彝言之。予擬小詩六章。適外甥。

俞堇至。因命堇與兒掖攝足。其意亦止乎禮義云耳。

衛風。黍無倫。春秋。溫不止。鄙哉金谷園。綠珠乃肯死。

和戎。漢明妃。亡吳。越西子。鬼妾賜元臣。孰受盧弓矢。

前時楚襄夢。今夕伶元妾。瓊斷藍橋漿。紅流御溝葉。

香熏舊繡衣鏡改新粧面只有夏姬情不解湘妃怨  
珊瑚近沒官鸚鵡亦更主一種拒霜花年年自江浦  
君仁邁曹瞞妾賤慙蔡琰築臺有羸金蘆笮不長掩

春星復在隅秋水仍含盼本非東家蝶失奠西階鴈  
葦花飛漢宮燕天遠秦臺鳳載事駢脅郎願同白頭  
夢

鸞刀割燔羊官鑿瀉桐馬更衣蘭房中弔影銀鏡下  
掖王門激楚曲相府西涼調愁中換官商郎毋看妾  
笑

梧溪集卷三

空知不足齋叢書

蜥蜴飼丹砂鴛鴦置金鎖東風獨何情楊花起還墮  
攝妾身汨泥塗妾心暴天日後來未亡人願似孤兒  
恤

萱圖爲李悵題於茂清軒中

暄風宜男花涼日忘憂草一種兩舍情親容夢中老

